

այլ ոչ է իմ կամք պատմել ձեզ գործ անցեալք
և ոչ յարուցանել սիրտս ձեր առ ՚ի գոյթ և կամ
՚ի նախանձ ՚ի վերայ նախնեաց մերոց բարեաց
և չարեաց, որպէս բազումք տկարք գանգատեն
զցաւս իւրեանց, և փոքր բժիշկ որ գտանի դար-
մանող և ՚ի պատճառէ դեղօրէից փարատող, և
ես ոչ սպասիմ, զի գանկատն իմ վասն տկարու-
թեան մնացէ թափուր ՚ի դարմանէ բժշկողացէ,
նաևս մի ձկտիցէ զմիտս ընթերցողիդ թէ կամիմ
ասել ես փոքրիկս միայն գտայ ՚ի մէջ բոլոր
տկարացեալ ազգին իմոյ ցուցանող հնարս բժշ-
կութեան, քաւ լիցի. ոչ թէ միայն խոստովանիմ՝
նաևս երզնում առաջի ձեր, որ ՚ի միտս իմ տալա-
ւորեալ ունիմ, զի ոչ պակասի ՚ի միջի ազգի
մերմէ բժիշկ իմաստուն, անձամբ բարեպաշտ և
կատարեալ սիրով կապակցեալ ընդ ազգս իւր և
ընդ աշխարհս Հայոց, և կարող ճանաչել դեղն
տկարութեան մերոյ, այլ վասն բազում պատ-
ճառաց ոչ որ տեսի բանալ զբերանս իւր և յայտ-
նի ազգին մերոյ առնել դեղ տխտին տկարու-
թեան մերոյ՝ թէ ոչ տխուր դիմօք հոգւոց հանե-
լով ճշտելով զպատուական սիրտս իւր կան և
մնան մինչև ցայսօր. նաևս ես եղէ ժամանակ
ընդ ժամանակս այսպէս երկմտելով ՚ի զանազան
պատճառէ վասն բանալոյ զբերանս իմ, երբեմն
ամօթ ՚ի ծերոց է և երկիւղ ՚ի բռնաւորաց է և
՚ի նախանձոյ հատարակ ժողովրդենէ՝ լսելեան